

MAHATHIR-PERHIMPUNAN

1977

KUCHING, 26 MAC (BERNAMA)--SISTEM PEMERINTAHAN DEMOKRASI DI MALAYSIA TELAH BERJALAN LEBIH BERKESAN DARI YANG DIAMALKAN OLEH PEBERAPA BUAH NEGARA LAIN KERANA PARA PEMIMPINNYA TIDAK TAMAKKAN KUASA, KATA DR. MAHATHIR MOHAMAD HARI INI.

TIMBALAN PERDANA MENTERI MENEGASKAN KEJAYAAN LUARBIASA ITU JUGA DISEBABKAN ADANYA SIKAP MENGENEPIKAN BIBIT-BIBIT PERPECAHAN YANG SEDIA ADA DI KALANGAN MASYARAKAT BERBILANG KAUM DI NEGARA INI.

- MENURUT BELIAU, PENUBUHAN BARISAN NASIONAL ADALAH SATU BUKTI BAHWA PEMIMPIN-PEMIMPIN PARTI YANG BESAR TELAH SANGGUP MEMBAHAGIKAN KUASA KEPADA PARTI-PARTI LAIN DEMI KEPENTINGAN NEGARA.

SIKAP TIDAK TAMAKKAN KUASA TELAH DIPELUPORI OLEH ALLAHYARHAM TUN ABDUL RAZAK DAN ALLAHYARHAM TUN DR. ISMAIL YANG TELAH MENGEMBALIKAN KUASA KEPADA RAKYAT SETELAH MEMERINTAH SECARA DHARURAT DALAM TAHUN 1969.

PARA PEMIMPIN NEGARA LAIN YANG DIBERI KUSA SEBEGITU LUAS TIDAK AKAN MEMBERI BALIK KUASA KEPADA RAKYAT DENGAN BEGITU MUDAH, KATANYA SEMASA MERASMIKAN PERHIMPUNAN AGUNG PARTI PESAKA BUMIPUTRA BERSATU SARAWAK (PBB) DI DEWAN TUN ABDUL RAZAK DI SINI. --
BERSAMBUNG 1542/MD

EF

B567

MAHATHIR-PERHIMPUNAN 2 KUCHING

DR. MAHATHIR BERKATA TERDAPAT BANYAK BIBIT-BIBIT PERPECAHAN DI NEGARA INI TERUTAMA ANTARA SEMENANJUNG MALAYSIA, SABAH DAN SARAWAK YANG TERPISAH JAUH OLEH LAUTAN YANG LUAS.

BIBIT-BIBIT PERPECAHAN ITU TERMASUK ADANYA KERAJAAN SENDIRI DAN DASAR-DASAR YANG BERASINGAN YANG PADA MULANYA MENYEBABKAN PERPADUAN TIDAK DAPAT DICAPAI DENGAN MUDAH.

BELIAU MEMBERI CONTOH BAGAIMANA SEMASA LAWATANNYA KE SARAWAK DENGAN ALLAHYARHAM TUN RAZAK PADA TAHUN 1968 DULU BELIAU MERASA SEPERTI ORANG ASING DI NEGERI INI.

+TETAPI KEADAAN INI TELAH BERTUKAR DAN JAUH BERBEDA SEKARANG. MALAHAN KINI PERASAAN KEKELUARGAAN DAN MUHIBBAH ADALAH NYATA SEKALI.+ UJARNYA.

MENURUT DR. MAHATHIR, PERUBAHAN INI ADALAH HASIL PENTADBIRAN NEGERI YANG BAIK DI BAWAH PIMPINAN DATUK PATINGGI HAJI ABDUL RAHMAN YAKUB YANG SEJAK MULA-MULA AGI TELAH MEMERJUANGKAN KONSEP MALAYSIA BAGI MENYATUPADUKAN RAKYAT SARAWAK DENGAN RAKYAT MALAYSIA YANG LAIN.

TIMBALAN PERDANA MENTERI MENYATAKAN KONSEP BARISAN NASIONAL SEBENARNYA TELAH BERMULA DI SARAWAK DENGAN TERTUBUHNYA SISTEM KERAJAAN CAMPURAN PADA TAHUN 1970. --BERSAMBUNG 1546/MD

MAHATHIR-PERHIMPUNAN 3 KUCHING

PADA TAHUN TERSEBUT PARTI BUMIPUTRA SARAWAK (PBS) TELAH MENJEMPUT PARTI RAKYAT BERSATU SARAWAK (SUPP) YANG KETIKA ITU MENJADI PARTI PEMBANGKANG MENUBHKAN SEBUAH KERAJAAN CAMPURAN YANG PERTAMA DI NEGARA INI.

BELIAU BERKATA WALAUPUN DI SEMENANJUNG PARTI PERIKATAN MEMPUNYAI CUKUP KERUSI UNTUK MEMERINTAH, PARA PEMIMPINNYA YANG TIDAK BERSIFAT TAMAK KUASA TELAH MEMPELAWA PARTI-PARTI LAIN MENYERTAI KERAJAAN SEPERTI YANG DIILHAMKAN OLEH SARAWAK.

DR. MAHATHIR MENYATAKAN KONSEP BARISAN NASIONAL TELAH DITERIMA OLEH RAKYAT DALAM PILIHANRAYA KEBANGSAAN TAHUN 1974 DI MANA CALUN-CALUN PARTI ITU MEMPEROLEHI KEJAYAAN YANG BESAR.

KONSEP ITU, TAMBAHNYA, TELAH DAPAT MENOLONG MENGATASI BANYAK MASALAH SERTA MELICINKAN LAGI PENTADBIRAN NEGARA.

WALAUPUN MASIH BANYAK MASALAH YANG BELUM DAPAT DIATASI LAGI, BELIAU YAKIN DENGAN ADANYA SEMANGAT BERTOLAK ANSUR DI KALANGAN PARA PEMIMPIN PARTI-PARTI KOMPONEN BARISAN SETIAP MASALAH AKAN DAPAT DISELESAIKAN MENERUSI PERUNDINGAN.

MENGENAI PENUBUHAN PARTI-PARTI POLITIK DI NEGERI INI, DR. MAHATHIR BERKATA KERAJAAN MEMBENARKAN SIAP SAJA UNTUK MENUBUH PARTI POLITIK ASALAKAN IANYA TIDAK BERTUJUAN MENGGULINGKAN KERAJAAN SECARA HARAM.

KATANYA, WALAUPUN KEBEBASAN BERPOLITIK YANG LUAS DAN LIBERAL DIBERIKAN, PARA PEMIMPIN YANG ADA SEKARANG SEDAR DAN SANGGUP Bekerjasama dalam sistem kerajaan campuran. --BERSAMBUNG

1557/MD

MAHATHIR-PERHIMPUNAN 4 KUCHING

TIMBALAN PERDANA MENTERI BERHARAP PERHIMPUNAN ITU AKAN MEMBOLEHKAN AHLI-AHLI PBB MEMAHAMI SISTEM POLITIK DENGAN LEBIH MENDALAM, TERUTAMA TENTANG BIBIT-BIBIT PERPECAHAN SUPAYA MEREKA LEBIH MATANG DALAM BIDANG POLITIK DEMI KEBAIKAN RAKYAT SELURUHNYA.

PEMANGKU PRESIDEN PBB, DATUK AMAR HAJI TAIB MAHMUD DALAM UCAPANNYA BERKATA AKAR PERJUANGAN POLITIK PBB TELAH DITANAM DALAM SEJARAH PARTI NEGARA SARAWAK (PANAS), BARISAN JATI RAKYAT SARAWAK (BERJASA) DAN PARTI PESAKA ANAK SARAWAK (PESAKA) SEBELUM UJUDNYA MALAYSIA.

PANAS DAN BERJASA TELAH BERCANTUM PADA LEWAT TAHUN ENAM PULUHAN MENERUSI PENUBUHAN PARTI BUMIPUTRA SARAWAK YANG KEMUDIAN BERCANTUM PULA DENGAN PESAKA PADA TAHUN 1974 BAGI MENGUJUDKAN PBB YANG ADA SEKARANG.

TAMBAHNYA, OLEH SEBAB ITU FALSAFAH PERJUANGAN PBB HENDAKLAH BERPANDU KEPADA PENGALAMAN PAHIT DAN MANIS DALAMASA LEBIH KURANG 15 TAHUN YANG LAMPAU.

-KEMANISANNYA TELAH MENYEGARKAN KITA SEPERTI JUGA KEPAHITANNYA TELAH MENJADI UBAT. KEJAYAANNYA TELAH TERUS MEMERANGSANG KITA SAMBIL KESILAPANNYA TELAH MENJADI AJARAN DAN MEMBETULKAN HALUAN KITA, + KATA BELIAU.

DATUK AMAR TAIB, YANG JUGA MENTERI PENERANGAN MENGGESA AHLI-AHLI PBB SUPAYA MEMELIHARA KEJAYAAN YANG CEMERLANG ITU DAN BERPEGANG TERUS KEPADA DISIPLIN YANG BAIK. --BERSAMBUNG 1559/MD